



ZAPISNIK O RADU 60. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 03.09.2024. GODINE

Broj: 01-GV-02-1039/24
Sarajevo, 03.09.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Srđan Simonović, zamjenik predsjedavajućeg Gradskog vijeća
4. Adi Škaljić, predsjedavajući Kluba gradskih vijećnika Naše stranke
5. Muamer Mekić, predsjedavajući Kluba gradskih vijećnika Socijaldemokratske partije BiH
6. Vedad Deljković, predsjedavajući Kluba gradskih vijećnika „Deljković-Simonović“
7. Samir Bejić, predsjedavajući Kluba gradskih vijećnika „Danijela Šahat-Samir Bejić“
8. Bajro Biber, predsjedavajući Kluba gradskih vijećnika „USD-BOSS“
9. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
10. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
11. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“
12. Jasmin Skorupan, predsjedavajući Kluba gradskih vijećnika „Korora/Skorupan“
13. Mila Eminović, sekretar Gradskog vijeća

Odsutan: Toni Vukadin, predsjedavajući Kluba gradskih vijećnika Naroda i Pravde

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Nejra Selimović, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.12 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** Zapisnik o radu 59. sjednice Kolegija Gradskog vijeća, održane 12.07.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 60. sjednice Kolegija Gradskog vijeća, tako da glasi:

1. Priprema za održavanje 43. sjednice Gradskog vijeća Grada Sarajeva
2. Razmatranje Mišljenja Ureda za borbu protiv korupcije Kantona Sarajevo broj: 20-04-1239-20/24 A.A. od 26.07.2024. godine
3. Tekuća pitanja



Ad 1)

Priprema za održavanje 43. sjednice Gradskog vijeća Grada Sarajeva

a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 43. sjednica Gradskog vijeća će se održati u **srijedu 09.10.2024. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem, najkasnije, u **utorak 10.09.2024. godine**;
- Sjednice radnih tijela, u pripremi 43. sjednice Gradskog vijeća, održat će se u sedmici koja počinje sa **ponedjeljkom 16.09.2024. godine**;
- Pozivi gradskim vijećnicima za 43. sjednicu Gradskog vijeća će se uputiti u **srijedu 25.09.2024. godine**.

Jasmin Ademović, predsjedavajući Gradskog vijeće je upoznao članove Kolegija da se u mjesecu septembru planira održati još jedna sjednica Kolegija Gradskog vijeća, a radi pripreme za 44. sjednicu Gradskog vijeća čije je održavanje planirano krajem oktobra mjeseca.

b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Informacija o realizaciji Plana rodne ravnopravnosti Grada Sarajeva, prema informaciji Gradonačelnice, je spremna i očekuje se da će biti uvrštena u prijedlog dnevnog reda 43. sjednice Gradskog vijeća.

Izveštaj o izvršenju Budžeta Grada Sarajeva za period 01.01.2024. - 30.06.2024. godine, prema informaciji Gradonačelnice, je spreman i očekuje se da će biti uvršten u prijedlog dnevnog reda 43. sjednice Gradskog vijeća.

Informacija o radu i poslovanju Javnog preduzeća „Olimpijski bazen Otoka“ d.o.o. Sarajevo za period 01.01. – 30.06.2024. godinu, prema informaciji kojom raspolaže Predsjedavajući Gradskog vijeća, je spremna i očekuje se da će biti uvrštena u prijedlog dnevnog reda 43. sjednice Gradskog vijeća.

Informacija o radu i poslovanju Javne ustanove „Gradski Muzeji“ Sarajevo za period 01.01. – 30.06.2024. godine, prema informaciji kojom raspolaže Predsjedavajući Gradskog vijeća, je spremna i očekuje se da će biti uvrštena u prijedlog dnevnog reda 43. sjednice Gradskog vijeća.

Prijedlog Odluke o davanju saglasnosti na Program aktivnosti za Dan obilježavanja genocida u Srebrenici, prema informaciji Gradonačelnice, je spreman i očekuje se da će biti uvršten u prijedlog dnevnog reda 43. sjednice Gradskog vijeća.

c) Teme planirane Programom rada Gradskog vijeća Grada Sarajeva za period januar – juli 2024. godinu, koje nisu realizovane

Jasmin Ademović, predsjedavajući Gradskog vijeća je podsjetio na teme koje su planirane Programom rada Gradskog vijeća Grada Sarajeva za 2024. godinu za period januar - juli, a koje nisu realizovane, i to: Nacrt Izmjena i dopuna Plana djelovanja za mlade, Nacrt Odluke o komunalnom redu u Gradu Sarajevu i Nacrt Odluke o stipendiranju izvrsnosti kod učenika srednjih škola iz Budžeta Grada Sarajeva.

Također je postavio pitanje da li će za 43. sjednicu Gradskog vijeća biti pripremljen Prijedlog Odluke o utvrđivanju posebnog značaja za Grad Sarajevo za Udruženje „Oaza“, a imajući u vidu, ranije, podržanu inicijativu Gradskog vijeća.

Aida Bajramović, sekretarka organa uprave je upoznala članove Kolegija da će o neizvršenim obavezama na koje je Predsjedavajući Gradskog vijeća podsjetio obavijestiti Gradonačelnicu i nadležne službe.

d) Novi prijedlozi:

Aida Bajramović, sekretarka organa uprave je upoznala članove Kolegija da će Gradonačelnica za 43. sjednicu Gradskog vijeća predložiti sljedeće materijale:

- Informacija o udruženjima i fondacijama od posebnog značaja za Grad Sarajevo,
- Prijedlog za dodjelu priznanja „Ključ Grada Sarajeva“ N.J.E. Tanji Fajon, ministrici vanjskih poslova Republike Slovenije,
- Prijedlog Odluke o davanju saglasnosti za poklanjanje tehničke opreme Gradskim muzejima, Historijskom muzeju BiH i Muzeju književnosti i pozorišne umjetnosti BiH, nabavljene u okviru projekta „IVA“ finansiranog iz UNESCO fonda,
- Prijedlog Odluke o davanju saglasnosti za poklanjanje namještaja Gradskim muzejima, Historijskom muzeju BiH i Muzeju književnosti i pozorišne umjetnosti BiH, nabavljene u okviru projekta „IVA“ finansiranog iz UNESCO fonda,
- Prijedlog Odluke o davanju saglasnosti za nabavku i poklanjanje sistema naplate ulaznica i digitalnog interaktivnog uređaja Historijskom muzeju BiH u okviru projekta „IVA“ finansiranog iz UNESCO fonda,
- Prijedlog Odluke o davanju saglasnosti za poklanjanje ostrva mobilnosti KJP Centru „Skenderija“ d.o.o. Sarajevo i JP „Olimpijskom bazenu Otoka“ d.o.o. Sarajevo, nabavljenih u okviru projekta tribute finansiranog iz EU interreg programa,
- Prijedlog Odluke o davanju saglasnosti na potpisivanje ugovora/sporazuma za odobrene projekte koji se finansiraju iz EU fondova,
- Prijedlog Odluke o davanju saglasnosti gradonačelnici Grada Sarajeva za davanje na upravljanje KJKP „Vodovod i kanalizacija“ d.o.o. Sarajevo izgrađene mreže za odvodnju fekalnih otpadnih voda objekta koji je lociran uz dolaznu stanicu Trebevičke žičare na lokalitetu Trebević,
- Prijedlog Odluke o davanju saglasnosti gradonačelnici Grada Sarajeva za potpisivanje Anex-a broj 2 na Ugovor o načinu prenosa upravljanja, zaštite i održavanja objekata Grada Sarajeva i obavljanju komunalnih djelatnosti od javnog interesa Grada Sarajeva, broj: OPU-IP:1193/2016 od 17.10.2016. godine i Anexa broj 1 na taj ugovor broj: OPU-IP:61/2017 od 24.01.2017. godine,
- Prijedlog Odluke o davanju saglasnosti gradonačelnici Grada Sarajeva o načinu utroška sredstava odobrenih shodno Odluci Vlade FBiH.

U raspravi koja je uslijedila učestvovao je **član Kolegija Seid Škaljić** koji je, u ime **gradskog vijećnika Željka Majstorovića**, postavio pitanje o realizaciji njegove inicijative o osnivanju Komisije za održivi razvoj i Ekologiju.

Ad 2)

Razmatranje Mišljenja Ureda za borbu protiv korupcije Kantona Sarajevo broj: 20-04-1239-20/24 A.A. od 26.07.2024. godine

Jasmin Ademović, predsjedavajući Gradskog vijeća je podsjetio članove Kolegija da je, u skladu s Odlukom za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta u prethodnoj 2023/24. školskoj godini iz Budžeta Grada Sarajeva za 2024. godinu, Gradsko vijeće na 41. sjednici donijelo Odluku o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu.

Također je podsjetio da, u skladu sa navedenom odlukom, rješenje o imenovanju članova Komisije donosi Gradonačelnica, a čine je sedam članova, od kojih su četiri člana predstavnici Gradskog vijeća, a tri člana predstavnici Gradske uprave te da se javni poziv raspisuje jednom godišnje, u četvrtom kvartalu tekuće godine.

Upoznao je članove Kolegija da je Ured za borbu protiv korupcije Kantona Sarajevo dostavio Mišljenje po kome su gradski vijećnici koji su članovi ove komisije u sukobu interesa te je, s tim u vezi, potrebno staviti van snage Odluku o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu, a što bi trebala predložiti Komisija za izbor i imenovanja Gradskog vijeća.

Istakao je da bi Gradonačelnica trebala predložiti izmjene Odluke za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta u prethodnoj 2023/24. školskoj godini iz Budžeta Grada Sarajeva za 2024. godinu, kao i Odluke o stipendiranju učenika srednjih škola iz Budžeta Grada Sarajeva, u dijelu koji se odnosi na formiranje komisije za razmatranje prijava.

Tako bi se, na 43. sjednici Gradskog vijeća trebali razmatrati sljedeći prijedlozi odluka:

- Prijedlog Odluke o stavljanu van snage Odluke o izboru članova Komisije, predstavnika Gradskog vijeća, za razmatranje, obradu i analizu, pristiglih prijava na javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta u prethodnoj 2023/24. školskoj godini iz Budžeta Grada Sarajeva za 2024. godinu,
- Prijedlog Odluke o izmjeni Odluka o stipendiranju učenika srednjih škola iz Budžeta Grada Sarajeva u dijelu koji se odnosi na formiranje Komisije,
- Prijedlog Odluke o izmjeni Odluke za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu u dijelu koji se odnosi formiranja Komisije.

Jasmin Ademović, predsjedavajući Gradskog vijeća je podsjetio članove Kolegija da je, na 42. sjednici Gradskog vijeća, donesen zaključak kojim se upućuje prijedlog Gradonačelnici da za 43. sjednicu Gradskog vijeća predloži **Odluku o izmjeni Odluke o načinu korištenja, održavanja i čuvanja uređenih vodotoka na području Grada Sarajeva tako da se njena primjena odloži te da početak primjene Odluke bude 01.01.2026. godine.**

Podsjetio je članove Kolegija da je Odlukom o načinu korištenja, održavanja i čuvanja uređenih vodotoka na području Grada Sarajeva predviđena njena primjena od 01.01.2025. godine, međutim, kao što je poznato, nisu izvršene potrebne predradnje (definicija područja djelovanja, planiranje rada, osposobljavanje službe za upravu, odnosno JP „Sarajevo“ za preuzimanje dijela obaveza iz ovog gradskog propisa itd).

Jasmin Ademović, predsjedavajući Gradskog vijeća je predložio, a **Aida Bajramović, sekretarka organa uprave** prihvatila prijedlog da **Gradonačelnica** za novembarsku sjednicu pripremi i predloži **Odluku o izmjeni Odluke o načinu korištenja, održavanja i čuvanja uređenih vodotoka na području Grada Sarajeva tako da se njena primjena odloži i da početak primjene Odluke bude 01.01.2026. godine.**

Ad 3)

Tekuća pitanja

Jasmin Ademović, predsjedavajući Gradskog vijeća je upoznao članove Kolegija da je Mirela Carev, članica Drugostepene žalbene komisije za 2024. godinu koja se formira u skladu s Etičkim kodeksom izabranih i imenovanih funkcionera Grada Sarajeva, podnijela ostavku u julu mjesecu, a ista je imenovana na prijedlog gradskog vijećanika Jasmina Skorupana.

S tim u vezi, potrebno je da Komisija za izbor i imenovanja, na prijedlog Kolegija predloži Gradskom vijeću novog člana ove komisije.

Zatim je pozvao članove Kolegija da predlože kandidate za člana Komisije.

Mirela Džehverović, zamjenica predsjedavajućeg Gradskog vijeća je predložila da se za novu članicu Drugostepene žalbene komisije za 2024. godinu kandiduje Meliha Omerspahić.

Na poziv **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:

Kolegij Gradskog vijeća kandiduje Komisiji za izbor i imenovanja Gradskog vijeća Grada Sarajeva Melihu Omerspahić za novu članicu Drugostepene žalbene komisije za 2024. godinu, povremenog radnog tijela, a koja se formira u skladu sa Etičkim kodeksom izabranih i imenovanih funkcionera Grada Sarajeva, umjesto dosadašnje članice Mirele Carev, koja je podnijela ostavku na članstvo u Komisiji.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.35 sati.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.